

[Augsburg], 27. September 1569

An Theodor Zwinger

UB Basel, Fr. Gr. II 27, Nr. 265.

S. Quod ad typographias attinet, Clariss[ime] D. Doctor, φέρειν ἀνάγκη, εἰρωνευόμενον τὰς ἀπιθάνους καὶ εὐελέγκτους προφάσεις. De legato Cariniano accessi Fuggeranum procuratorem heri, qui mihi dixit, si D. Pfeifferus iubeat, se mihi sub Cal[endas] Ianuarias 50 f. illius nomine numeraturum. Id ego et mihi et haeredib[us] non incommodum esse iudicio: curaboqvé, si volent, poculum conficiendum ad praescriptum illorum: etsi profectò nullo μνημοσύνῳ mihi est opus ad memoriam amicorum et bene meritorum. Sed hoc totum haeredis et testamentarij indicio committo, neque illis praescribo quicquam: Sed occasionem indico expeditam huius negocioli conficiendi: tuaeqvé humanitati maximam habeo gratiam, quae meis nugis tantum laboris impendat. Theatrum tuum tam auidè expecto, quàm liberari typographicis occupationib[us] cupio. Vale, et, si mea tibi opera opus fuerit, imperato. Scire etiam cupio, vt valeat Immanuel noster. 27 Septembris 1569.

Hiero[nymus] Wolfius
Tuus.